



Synfocity = 626

mail us at : mzsynfo@gmail.com; mizoramsynod@gmail.com - Phone - 2314648

16th March, 2017

☐ Kohhran Hmeichhe Inkhawmpui Lian 2017 a tiak ta

Mizoram Presbyterian Kohhran Hmeichhiate chuan March 10 - 12, 2017 chhung khan Serchhip Leisekawt Field-ah Inkhawmpui Lian vawi 47-na an hmang. He Inkhawmpuiah hian Palai 9087 an kal a, inkhawm apiangin mi Pandal-a leng lo inkhawm an awm thin a ni.

Inkhawmpui thupuih 'I Pathian tawk turin inpeih rawh' (Amosa 4:12) tih hman a ni a, Pathianni chawhma, chawhnu leh zan inkhawmah Upa C.Ngurthantluanga, Speaker hnen atangin thlarau lam thupui hi ngaihthlak thin a ni.

Zirtawpni (March 10, 2017) zanah Palai inlawmna leh Report ngaihthlak a ni a, Synod Moderator Rev. Lalzuithanga'n Pathian thuchah a sawi. March 11, 2017 (Inrinni) nilengin Serchhip Kawnpui Kohhran Biak Inah Rorel leh Hruaitu thar thlanna neih a ni a, mi 732 an kal. Inkhawmpui Lian Rorel thupawm thenkhatte chu - Faina leh thianghlimna kawngah rampum huapa hma lak leh ei leh in dân thianghlim inzirtir te, Grace Home (HIV/AIDS veite enkawlna hmun) tanpui nan Zoram pum huapa inkhawm vawi khat thawhlawm pek te, Kum 2017 chhungin Synod Hospital Charity Fund atan Presbyterian Kohhran Hmeichhia te vawi khat inkhawm thawhlawm lakkhawm te, Synod Hospital Eye Unit tan Non-Contact Tono Meter (Mitmu pressure sân leh sân loh enna) khawl leina atan ram pum huapin Kohhran Hmeichhe inkhawm vawi khat thawhlawm lakkhawm te, John Williams Hospital, Lunglei tanpui nan ram pum huapin Kohhran Hmeichhe Inkhawm vawi khat thawhlawm pek te, Ram pum huapin ram tana awmni khama tawngtai hun hman ni se, tih te, Sakhaw dang laka inven dan tur inzirtirna ram pum huapin neih thu te, Ram pum huapin chhungkaw sum enkawl dan (Financial Management) inzirtirna neih ni rawh se tih te, Ram pumah tleirawl kum 10-18 inkar, dân leh hrai inzirtir ni rawh se tihte bakah Presbyterian Kohhran Hmeichhia Inkaihhraina Dan Bu ennawnin siam that ngaite siam that a ni bawk. Kum 2018 Rorel Inkhawmna hmun tur hi Tuikual Kohhran Biak In ah 9-11 March, 2018 chhunga neih tur niin, Kum 2019 Mizoram Presbyterian Kohhran Hmeichhe Inkhawmpui Lian chu ni 8-10 March, 2019 chhungin Kolasib-ah neih ani ang. Kum 2017 - 2018 Budget atan Rs 33,00,000/- pawm a ni.

Rorel hlan hian palai ni lo tan pandal-ah inkhawm a awm a, chawhmaah Pi Lalbiakliani, Missionary, Siliguri-in Pathian thuchah a sawi a, chawhnu lamah Dr. Lalrindiki Ralte, ATC hovin 'Hla Thlankhawmte' tih thupui zirho a ni bawk.

Pathianni chawhma inkhawmah "Kristian chhungkua dinhmun tehna a ti tha ber - Phainuam Bial Kohhran Hmeichhiate hnenah Trophy leh Lawmpuina Thuziak (Citation), Rev. P.C. Pachhunga, Executive Secretary i/c Kohhran Hmeichhia-in a hlan. Zan inkhawmah hruaitu tharte Pathian hnenah Synod Moderator Rev. Lalzuithanga'n a hlan bawk.

Kum 2017-2018 hruaitu turte :-

Chairman	: Pi K. Lalliantluangi (Chaltlang Bial, Synod ruat)
Vice Chairman	: Pi Lalnuntluangi (Electric Veng Bial)
Secretary	: Pi H. Lalpianthangi (Bawngkawn Bial, Synod ruat)
Asst. Secretary	: Pi Lalmuanzuali (Zemabawk Bial)
Treasurer	: Pi Lalrinpuui (Dawrpui Bial)
Fin. Secretary	: Pi Lalbiakhluni (Ramhlun 'N' Bial)

Committee Memberte :

1. Pi Lalsangliani, Airfield Vengthar
2. Pi C. Thanthuami, Armed Veng
3. Pi Zangeni, Bawngkawn
4. Pi Bualchhumi, Bethlehem
5. Pi Lalthanzami, Bungkawn
6. Pi D Nghmingliani, Chaltlang
7. Pi Lalngaihzuai, Chanmari
8. Pi Biakchungnungi, Chanmari West
9. Pi Zoluri Sailo, Chawnpui
10. Pi F. Lalsangmawii, Chhinga Veng
11. Pi Liansangi, Dawrpui Vengthar
12. Pi Chuahmingthangi, Durtlang
13. Pi Zonunsangi, Hlimen
14. Pi Thanghlupuii, ITI Veng
15. Pi Lalpianzami, Khatla
16. Pi Lalnunsiami, Kulikawn
17. Pi Lalhliapi, Leitan
18. Pi Lalthanruai, Luangmual
19. Pi Sangthuami, Lungleng I
20. Pi Zosangliani, Maubawk
21. Pi Lalrinpuui, Mission Veng
22. Pi R. Vanlalruati, Mission Vengthlang
23. Pi R. Lalrampari, Ramhlun
24. Pi Zodingliani, Ramhlun Vengthar
25. Pi C. Lalhmangaihi, Ramthar Veng
26. Pi Lalremruati, Republic Veng
27. Pi Vanlalpari, Sihphir
28. Pi R. Nuzawni, Sihphir Vengthar
29. Pi Lalduhthangi, Tanhril
30. Pi Rothangliani, Tlangnuam
31. Pi Lalsangluaii, Tuikual
32. Pi Lalramthangi, Thuampui
33. Ni. C. Lalrimawii, Vaivakawn
34. Pi Vanlalrovi, Venghlui
35. Pi Vanlalngaki, Venghnuai
36. Pi Lalbiaksangi, Zonuam

☐ Mizoram Chanchin Tha Thlen Ni hman a ni

Mizorama Chanchin Tha thlen ni champha March 15 chu Kohhran hrang hrangah hman a ni a, Synod Office pawh khar a ni. Kohhran tam ber chuan zan lamah hemi ni pual hian inkhawm an nei a, hemi ni puala thupui ruahmansa "Chanchin Tha hril turin Pathianin min ko" tih chu zirho a ni.

Mizorama Chanchin Tha thlen ni atana kan hman tak, March 15 hi Mizorama Chanchin Tha rawn puang hmasa bertu Rev. William Williams, Mizoram a rawn thlen ni champha a ni. Rev. William Williams hi Khasi rama Welsh missionary a ni a, Mizote chanchin a hriatin Mizote zinga Chanchin Tha hril a duh hle a, Mizote zingah missionary ni tura alo kal mai thei lo chungin Mizoram tlawh hram a tum a, Silchar DC remruatpuinain Sipaiho ruala lokal in Mizoram a rawn lut a, a hmasa ber atan Mizote zingah Krista Chanchin Tha a rawn puang ta a. Rev. William Williams an Mizoram a rawn thlen ni hi Mizoram Presbyterian Kohhran te chuan Mizorama Chanchin Tha lo thlen ni atan a hmang ta a ni.

☐ Worship Dept

March 17 & 18, 2017 hian Centenary Kohhranah Zaihrui Training neih a ni dawn a, hemi hunah hian Pu Lalromawia, Senior Instructor a kal ang.

- Cambodia ramah Synod Mission Board-in Local NGO a din ve ta**
 Synod Mission Board chuan rawngbawlina atana tangkai tur a nih beiseiin Cambodia Sawrkar hnuaiiah Local NGO registration a dil a. February 24, 2017 khan Ministry of Interior, Royal Government of Cambodia, Kingdom of Cambodia chuan registration a pe fel ve ta.
 NGO hming atan hian Cambodia tawng ngei hman a ngaih avangin "Angka Pesakahkam Synod Samrap Kampuchia" tih hman a ni a, Synod Mission for Cambodia tihna a ni. Local NGO a nih angin Director atan pawh a ram mi hman a ngai a, SMB thawhpui hnai tak, Pastor Thavy Meas chu Director atan hman a ni a, Deputy Director chu Rev. Sairengpuia Sailo, SMB Missionary a ni.
 He NGO thiltum tarlan hian rawngbawlina peng hrang hrang a huam a. Community development hrang hrang - English zirna te, music zirna te, non-formal school din te children and orphan ministry kalpui te leh College leh University emaw NGO dangte emaw thawhpui a community development kalpui te bakah formal education thleng a kalpui te huam vek a. Tuna SMB-in kan hmalak mekna kawng hrang hrang College zirnaite leh factory worker te tana dormitory hostel siam te, English zirna kalpui te School leh College lama rawngbawlina neih te hi local NGO kan neih ve tak avangin a him sawt a, SMB hmalakna tih len zelna tur atan pawh a tangkai hle dawn a ni.
 Cambodia rama local NGO te hian foreigner an chhawr ve thei a, chuangin he NGO pawh hi Missionary kal tur leh awm mek te tan Visa leh Work Permit siamna atan te hman theih tur a nih avangin a tangkai hle dawn a ni.

- Synod-in chhawmdawlina pe**
 Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Sunhluchhip	In Kang ral vek	1	Rs. 10,000/-
2.	Saitual North	Stroke	1	Rs. 8,000/-
3.	Saitual	Zeng & Damlo	2	Rs. 16,000/-
4.	Armed Veng South	Cancer	3	Rs. 24,000/-
5.	Thiltlang	Cancer	1	Rs. 8,000/-
6.	Serchhip Chhimveng	Damlo	1	Rs. 8,000/-
			TOTAL	Rs. 74,000/-

- Zin**
 - March 15 - 25, 2017 chhung hian Field Committee nei turin Jharkhand, Patna, Lucknow leh Delhi-ah Rev. B. Sangthanga, Executive Secretary, Rev. T.C Lalanzova leh Upa C. Lalngakliana, BEC Member te an kal.
 - March 16 - 19, 2017 chhung hian Ri Bhoi Synod Inkhawmpui hmanpuiin Mawrong-ah Rev. H. Remthanga, Synod Finance Officer leh Upa P.C Laldinpuia te an kal.
 - March 16 - 21, 2017 chhung hian Diphu-ah Healing Crusade nei turin Dr. Robert S. Halliday, Coordinator, SMB leh Pu C Kapthanga, O/A te an kal.
 - March 17 & 18, 2017 chhung hian Khawlailung PES tlawh turin Pu P.C Vanlalhruaia, Supervisor of School a kal ang.

- MSSU**
 - March 18, 2017 (Inrinni) hian Khatla Kohhranah Sunday School Zirtirty training buatsaih a ni dawn a, hemi hunah hian Pu John Lalhruiatluanga, MSSU Asst., Coordinator, Upa K. Vanlalngaka, MSSU trainer leh Upa Lalchhuanawma, MSSU Trainer te an kal ang.
 - March 18, 2017 (Inrinni) hian Chawhlhmun Kohhranah Sunday School Zirtirtu training neih a ni dawn a, hemi hunah hian Rev. Zoramsanga, MSSU Office, Upa S. Kapzathanga, MSSU Trainer leh Upa K. Zoremsanga, MSSU Trainer te an kal ang.

- Revival Dept**
 - March 7 - 11, 2017 chhung khan Synod Revival bultumin Synod Revival Camping Center, Neihbawih-ah camping neih a ni a, speaker chu Upa Lallawmsanga, Agape Gospel Team a ni. Camp lut zawng zawng hi mipa 131, hmeichhia 25 an vaiin 156 an ni a, Kohhran pawl dang atang leh veng hrang hrang atangin camp-ah hian an lut bawk. Chanmari Pastor Bial ten Camp neih chhung hian a tul tul an buaipui a ni.
 - Synod Revival Speaker te hetiang hian Camping/Crusade neiin hun an hmang :

March 5 - 11, 2017	R. Lallungmuana, Speaker	Buangpui	Crusade
March 20 - 26, 2017	Lalremruata Sailo, Speaker	Lamherh	Crusade
March 20 - 28, 2017	T. Lalchhanhima, Speaker	Khawbel	Crusade
March 23 - 30, 2017	Upa C. Lalchullova, Speaker	Hualtu	Crusade
March 26 - April 2, 2017	Joseph Zaihmingthanga, Speaker	Mamit	Crusade
March 19 - April 2, 2017	Upa P.C Lalhmachhuana, Speaker	Thenzawl Field Veng	Camping
March 29 - April 4, 2017	T. Lalchhanhima, Speaker	E. Lungdar	Camping
March 20 - April 2, 2017	Zarzoliana, Speaker	Khawruhlian	Camping
March 19 - 25, 2017	K. Lalngaihawma, Speaker	Kanghmun	Camping
March 21 - 27, 2017	Lalthantluanga, Speaker	Chawngte (L)	Camping
Mach 19 - April 8, 2017	Malsawmthara, Speaker	Thingdawl	Crusade

- Hruaina Eng FM Radio & TV Programme**
 - MARCH 17, 2017 (FM ZOAWI AIZAWL @ 7:30 P.M.):**
Solo : Fel Feli - I tap thawmah, Zaipawl : Besy Choir - Ka kawng entu, Sermon : Upa Bonny Lalrindika - Vuivaina i hneh thei, Solo : Mapuii - Hei hi khawngaihna mak, Zaipawl : mizoram Synod Choir - malsawmna min vurtu
 - MARCH 17, 2017 (FM LUNGLEI @ 7:30 P.M.):**
Solo : Fel Feli - I tap thawmah, Zaipawl : Besy Choir - Ka kawng entu, Sermon : Upa Bonny Lalrindika - Vuivaina i hneh thei, Solo : Mapuii - Hei hi khawngaihna mak, Zaipawl : mizoram Synod Choir - malsawmna min vurtu

- MARCH 19, 2017 (Tv Programme) @ 3:00 p.m) :**
Weekly Round Up, KTP Rorel Inkhawm

- Moderator Programme**
 Synod Moderator Rev. Lazuithanga chuan tunkar tawpah hetiang hian hun a hmang ang :

March 19, 2017	Pathianni	Chawhnu	Aizawl Venglai Kohhran
March 19, 2017	Pathianni	Zan	Electric Vengthlang Kohhran